



UNIVERSITÄTS-  
BIBLIOTHEK  
PADERBORN

**Forum Competens Quæstionibus ex Universo Jure  
selectis, atque ad praxin utilissimis illustratum, Seu  
Tractatus Canonico-Civilis**

**Friderich, Melchior**

**Ingolstadium, 1709**

Caput I. De Fori Competentis natura & multiplice specie.

---

[urn:nbn:de:hbz:466:1-61662](#)

P A R S I.

De Foro Competente in genere.

C A P U T I.

De Fori Competentis natura & multiplice specie.

I. I.

*Fori Etymologia & Descriptio.*

S U M M A R I U M.

1. *Fori Nomenclatura.*
2. *Forum quandoque pro loco litium exercendarum.*
3. *Quandoque pro iudicio & jurisdictione sumitur.*
4. *Fori simpliciter dicti, & Fori Competentis discrimen.*
5. *Fori Competentis descriptio.*

**F**orum, sive à ferendo derivetur, ut vult Varro *L. 4. de Ling. Latin.* sive à fando, sive à Foroneo Rege, qui primus leges apud Græcos & iudicia instituisse dicitur, ut Isidorus ait *c. forus 10. de V. S. Forum*, inquam, sex modis intelligitur (ut ait Festus *V. Forum*) primò negotiationis locus, ut *Forum Flavinum*, *Forum Iulium*, ab eorum nominibus, qui ea Fora instituenda curarunt. quod etiam locis privatis & vijs (alias vicis) fieri solet. Secundo, in quo iudicia fieri, cum populo agi, & conciones haberi solent. Tertio, cum is, qui provinciae præest, *Forum agere* dicitur, cum civitates vocat, & de controversiis eorum cognoscit. Quartò, cum id *Forum* appellabant Antiqui,

A

tiqui,

tiqui, quod nunc vestibulum sepulchri dici solet. Quinto, locus in nave; sed tunc masculini generis est & plurale. Sexto, Fori significant Circensis spectacula, ex quibus etiam minores forulos dicimus; inde forare & foros dare, & forus & forcula (alias forcula) id est astiola dicuntur.

2. Instituto nostro, ut potest hie agentium de judiciis & jurisdictione, ea solum congruunt, quae secundo ac tertio loco afferuntur. Igitur Forum hic in primis significat locum exercendarum litium. Ubi tamen Oliva de foro Eccles. p. 1. q. 1. n. 3. cum nonnullis distinguit inter territorium & certum illum territorij locum, ubi jus dicitur à Judice, & pro isto posteriore nomen *Forus* masculino genere accipit, pro illo *Forum* genere neutro. Quae tamen distinctio fundamento caret, & promiscue plerumque *Forum* & *Forus* accipiuntur, & posterius præ placet Isidoro ac antiquioribus Canonistis, prius frequentius occurrit. Hoc modo sumptum Forum etiam *lus* dicitur à Paulo L. pen. ff. de Inst. & Iure. Hinc illud Plauti Curc. scen. 2. act. 5. in *jus ambula*, & Horatij L. 1. Serm. Satyr. 9. *oppono auriculam; rapit in jus.* Eodem pertinet rubrica D. & C. de *injus vocando*. Dicitur ab eodem Paulo etiam *Auditorium*.

3. Secundò accipitur *Forum* pro ipso Judicio, nec non Jurisdictione & potestate, ut observant Hostiens. in rub. de for. comp. §. 2. & Panor. ibidem. Unde idem est dicere esse de foro competente, ac esse de jurisdictione competente; & esse de foro Ecclesiastico vel sacerdotali, aut mixto, ac pertinere ad jurisdictionem Judicis Ecclesiastici aut laici aut utriusque. Et sortiri forum ratione delicti, contractus &c. est sub iaci jurisdictioni Judicis, in cuius territorio contractus aut delictum factum est. Hinc lib. 3. Cod. titul. 13. inscriptus est à Justiniano de *Jurisdictione omnium Iudicium & Foro competente*, quod vel idem sint *Forum competens & Jurisdictionis*, vel quod forum necessariò sequitur jurisdictionem, & ex hac forum cuiusque Magistratus metimur. Cæterum utroque sensu modò explicato dicitur Forum habere Magistratus & subditus: ille actiū, nimis jurisdictionem & certum locum, ubi cam exercet;

ceat; iste passim, quæ certo in loco in ipsum exerceatur. Hac quoque ratione *Forenses* dicuntur, qui tribunalibus & judiciis occupantur; & *forenses causa*, quæ judicio disceptantur. *L. pen. ff. de Fe-rijs*. Inde quoque dicta sunt *Instrumenta forensia* scripturae publicæ, quæ fidem in judicio faciunt. *L. Comparationes D. de fid. In- strum.* Cæterum hoc verbo *Forum* semper quidem intelligi potest Jurisdictio, non tamen semper territorium: et si enim eorum appellatio sæpe promiscuè sumatur, & paria esse dicantur Fori aliqui jus esse, & esse alicujus Territorij, re ipsa tamen illud latius patet, quam istud, cum forum possit esse sine territorio. Sic Rector Universitatis, Magister militiae &c. tametsi territorium non habeant, habent tamen forum & jurisdictionem ordinariam, cum hæc consistere queat absque territorio, sicut territorium esse potest sine jurisdictione, ut post Baldum, Felini, Marant. ac alios tradit, & fusè prosequitur Petrus Barbosa *ad L. cùm prætor 12. §. 1. ff. de judicijs an. 45.* & Menoch. *L. 3. præsumpt. 97. n. 6.* Censentur tamen, qui jurisdictionem in certas personas exercent, territorium habere, licet revera non habeant, ut cum Joan. And. notat Chassan. *ad consuet. Burgund. Des Iustices. §. 1. V. aut territoire n. 16.*

4. Sermo autem hic est de Foro non simpliciter, sed de Competente. Nec enim, qui forum habent & jurisdictionem, ubique & promiscuè in omnes vel personas vel causas eam obtinent. Non ipse etiam supremus Hierarcha & Christi in terris Vicarius SS. Pontifex; cum Ecclesiæ subjecti non sint infideles, juxta Apost. *1. Cor. 5. v. 12.* utpote per Baptismi januam eam non ingressi, adeò ut nec cogi possint Baptismum suscipere. *Concil. Tolet. 4. c. 57. Con- cil. Lateran. 111. c. 26. Carthagin. can. 109. c. sicut 9. de Iudeis, can. ad fidem 33. 23. q. 5.* nec bellum ijsdem inferri possit propter idolatriam, aliaque crima cum lumine naturæ pugnantia, ut tradit communis Theologorum contra Major. *in 21. dist. 15. q. 20.* & Alph. à Castro *L. 2. de Heret. pun. c. 14.* Neque Imperatori universalis in quoscunque etiam laicos jurisdictio competit, cum falsa sit & meritò explosa illa Bartoli aliorumque communis olim sen-

4  
*Pars I. Caput I. De Fori Competentis*

tentia Orbis totius dominium illi afferens.

5. Forum Competens ab Isidoro c. *forus de V. S.* dicitur *litium exercendarum locus*. Quæ definitio ut vitio careat, addendum vel subintelligendum est necessariò à litigantibus adiungendus. Cum enim non quovis loco conveniri reus possit, tametsi ibi lites exerceantur, istantum locus competens erit, in quo reus cogitur respondere, vel quod illum sibi proprium fecit constituendo ibi domicilium, ineundo contractum, committendo delictum &c. vel quod in eum consensit, Judici non suo jurisdictionem prorrogando, aut commissarium postulando, vel in causa ad plures judices pertinente fuit ab alterutro eorum preventus. An autem propterea, quod quis coram hoc Judiceratione vel delicti, vel contractus, aliōve ex capite, respondere cogatur, ejus subditus dicendus sit, quæstio nominis est. Quod quamvis post Socin. Decium, Alexandr. ac alios negant Gail. *de Pignorat.* c. 15. n. 3. § 6. Heigius p. t. q. 18. n. 5. Ziegler §. *Landsäßij concl.* 1. n. 72. Knipschmidt *de Iurib. Civit. Imperial.* L. I. c. 12. n. 54. Melius tamen affirmanit S. Thomas 2. 2. q. 67. art. 1. ad 3. Suar. *de Censur disp.* 1. sect. 7. n. 1. Pet. Barbosa in *L. Hæres absens* §. *proinde ff. de judicijs*, Oliva *de foro Eccles.* p. 3. q. 1. n. 42. ac alij: quia correlativa sunt habere jurisdictionem, & esse subjectum. Clem. *Pastoral.* §. *Cæterum de Re judic.* c. à nobis 21. *de sent. Excomm.* L. ult. ff. *de jurisdict. omn. jud.* L. I. §. 2. ff. *quod quisque juris.* Certum tamen est, & convenienter inter omnes, ratione duntaxat domiciliū simpliciter dici subditum: eum vero, in quem ex alio tantum capite, v. g. ratione feudi, contractus, delicti &c. jurisdictione exercetur, subditum solùm esse secundum quid, ut explicat Barbosa. c. §. fin. à n. 39.

§. II.

*Fori Competentis Divisio.*

S U M M A R I U M.

6. *Fori divisio in Ecclesiasticum & Seculare.*
7. *Ecclesiastici in Externum & Internum.*

8. *Exter.*

8. Externi in Ordinarium & Extraordinarium. Ordinarium in Commune & Singulare.

9. Et in Contentiosum ac Voluntarium.

6. Forum primâ & principali divisione distingui solet in Ecclesiasticum & Seculare. Duo quippe sunt, quibus principaliter hic mundus regitur: auctoritas sacra Pontificum & Regalis potestas, ut dicitur Can. 10. diff. 96. sive Sacerdotium, & Imperium; illud quidem divinis ministrans, hoc autem humanis præsidens, ac diligentiam exhibens, ut loquitur Justin. Novell. 6. prin. Utrumque regit & vegetat, illud velut Sol, istud ceu Luna, ut dicitur c. solitæ 6. de Major. & obed.

7. Ecclesiasticum seu Sacrum subdividitur in Externum & Internum. Hoc est, quod intus in mente hominis, ubi Conscientia residet, exercetur, ut loquitur Suar. L. 3. de leg. c. 21. n. 2. & ideo Forum Conscientiae appellatur, ac ab Augustino dicitur Forum Poli, seu Dei, can ult. 17. q. 4. Externum est, in quo de actibus externis & per actus externos agitur. Forum Sacrum subdividitur in Forum Conscientiae simpliciter, & in Forum Pœnitentiae, seu Pœnitentiale & Sacramentale. Quamquam enim juxta aliquos DD. Conscientiae & Pœnitentiae Forum sint convertibilia, & synonyma, re ipsa tamen distinguuntur. Nam licet Pœnitentiale sit etiam Conscientiae Forum, & in illo comprehendatur; non tamen è converso Forum Conscientiae semper idem est ac Pœnitentiale, sed patet latius, estque generalius, cum multa pertineant ad conscientiam, quæ extra Sacramentum Pœnitentiae fieri possunt, ac culpam non supponunt, uti supponit Pœnitentiae Forum. Sic pro Foro Conscientiae absque administratione Sacramenti Pœnitentiae & remissione vel vindicta alicujus culpare saepedantur privilegia, gratiae, ac dispensationes in impedimentis matrimonij occultis, irregularitatibus, præceptis ac legibus; fiunt absolutiones à censuris; conceduntur Indulgenciae &c. uti docet praxis Ecclesiæ, & observant Emm. Rodriq. tom. 1. quest Regul. p. 61. art. 10. Sanch. de matr. L. 8. diff. 34. n. 20. Suarez, de Legib. L. 8.

c. 6. n. 13. § 15. Oliva de *Foro Ecclesiastico* p. 1. q. 1. n. 16. Posset non incongruè etiam Forum Sæculare seu Civile in Externum & Internum dividiri, cùm leges etiam civiles obligent in conscientia, nisi ex mente Legislatorum nolentium sub culpa obligare, aut usu interpretativo populi sint merè poenales, ut cum S. Thoma 1. 2. q. 96. art. 4. ac communis Catholicorum sententia latè tradunt & explicant Navarr. *in summa* c. 23. n. 54. Covarruv. *in reg. Peccatum* p. 2. §. 3. Bellam. tom. 2. *Contr. L. 3. de laicis* c. 11. Turrian. L. 5. *advers. Magdeburg.* c. 9. Suar. L. 3. *de Leg.* c. 21. n. 5. ubi ait, esse assertio nem vel de Fide, vel proximam Fidei, idemque assérit Salas de Le gib. *disp. 15. sect. 1. n. 7.* & esse de Fide absolute assérunt Tapia, Texeda, & Gabr. Vasq. apud Moya *tr. 6. select. qq. disp. 4. q. 4. n. 31.* eò quod qui potestati resistit, *Dei ordinatione resistit, qui autem resistunt, ipsi sibi damnationem acquirunt.* Rom. 13. v. 2. Est autem ibi sermo etiam de potestate sacerdotali, ut ipatet cùm ex consequentibus, tum ex præcedentibus his verbis *Non est enim potestas nisi à Deo: quæ autem sunt (potestates) à Deo ordinatae sunt.* Per damnationem verò ibi intelligi damnationem apud Deum propter culpam, constat ex eo, quod Apostolus Principem etiam sacerdotalem *ministrum Dei* dicit, eique obediendum esse *non tantum propter iram,* seu vindictam de transgressoribus sumendam à Legislatore, *sed etiam propter conscientiam,* seu ad vitandum culpæ reatum apud Deum. Idem significant verba S. Petri epist. 1. c. 2. *subjecti estote omni humanæ creaturæ propter Deum, sive Regi &c.* quia sic voluntas Dei est. Unde etiam de Principibus Secularibus procedit illud Christi Dom. *qui vos audit, me audit: qui vos spernit, me spernit.* Habet igitur potestas secularis Forum tam Internum & Externum, dum plurimæ, aut pleræque ejus leges, in Foro simul Conscientiæ & Externo obligant: aliquæ vero, nimirum merè poenales (quales dari hic supponimus) solum in externo. Nihilominus quia leges civiles solum ordinantur ad externam politiam, & rectam gubernationem populi, quæ sufficienter obtinetur per actus externos, nec per se & directè tendunt ad vinculum spiritua-

lc,

le, quale est obligatio in conscientia, idcirco Forum Internum non male attribuitur soli potestati Ecclesiasticae, utpote quae directe intendit etiam internam gubernationem & beatitudinem subditorum supernaturalem: non vero solum temporalem, uti potestas secularis.

8. Forum Externum distinguo cum Ummio *disp. 8. ad pro-cess. Iudic. tb. 1.* in *Ordinarium & Extraordinarium*, *Ordinarium* in *Commune & Singulare*. Nam Judices alij in personas & causas specialiter non exemptas ordinariam jurisdictionem habent ratione vel domicilij, vel delicti in suo territorio commissi, aut rei ibidem sitae &c. alij extraordinariam & ex accidenti avenientem, uti fit per prorogationem, aut connexionem & continentiam causarum. *Ummius l.c. tb. 15.* & *Bachov. de action. disp. 1. tb. 28.* Quod reduci quoque potest Reconventio. Sunt quoque certae cum causae tum personae, in quas ordinaria quidem jurisdictione exercetur, ea tamen non communis omnibus, sed singularis his vel causis vel personis, ut sunt Causae Sacrae, Feudales, Fiscales &c. & personae privilegiatae, ut Clerici, Nobiles, Studiosi &c. Quam ob causam hoc Forum Singulare dicitur *Privilegium*. Similis distinctione cum Bachovio *l.c. tb. 3.* fieri potest in Forum *Commune*, in quo quaecunque actiones, Civiles & Criminales, in rem & in personam, recte instituuntur: quale forum tribuit locus domicilij. Et in *Proprium*, quod ultra commune in singulis causis accedit: velut in criminalibus locus, ubi committitur delictum, in actionibus in personam locus contractus, in actionibus in rem locus rei sitae.

9. Denique cum Jurisdictione alia sit *Contentiosa*, alia *Voluntaria* *L. 2. ff. de Offic. Proconsul.* illa, quae exercetur in invitum, cum duo pluresve de causa quadam judicio contendunt *L. inter 83. §. 1. V. Iudicium ff. de V.O.* ista, quae expeditur inter volentes, puta in manumissionibus & adoptionibus *cit. L. 2. de Offic. Proconsul.* bonorum possessionis agnitione *L. 1. ff. de Iurisdict. & L. ult. C. qui ad-mitti ad bon. poss.* nec non in dispensationibus, absolutionibus &c. idcirco Forum pariter distingui in *Contentiosum & Voluntarium*

potest

poteſt, in quo videl. Jurisdictio vel Contentioſa, vel Voluntaria exercetur. „Hanc divisionem ſecutus, ubi hac parte primā Fori naturam explicavero, parte II. agam de Foro Ordinario Communi, quo comprehendo Forum Domicilij, Contractūs, Delicti, Rei ſitā: parte verò III. de Foro Ordinario Singulari, quod ha- bent certae personæ privilegiatae: parte IV. de Foro Extraordi- nario, quo comprehendo Prorogationem, Delegationem, Connexionem ſeu Continentiam causarum, & Reconventionem. Parte de- cum quinta afferam cauſas, quæ privative ad Forum vel Secula- re vel Ecclesiasticum pertinent, vel cumulative ad utrumque: hanc divisionem methodicam & aptam arbitratus ad vitandam confuſionem; interim non ignarus, ab alijs aliam fieri, ab alijs nul- lum hic ordinem fervari.

**C A P U T . II.****D e Obligatione ſequendi Forum Competens.****§. I.*****Competentia Fori unde cognoscatur.*****S U M M A R I U M.****10. Multiplex Fori Competentis dignoscendi ratio proponitur.**

10. Cùm omnis potestas & jurisdictio, quæ homini in homi- nem competit, limitata sit, perſpicuum est, non omne Forum respectu cuiusvis aut personæ aut cauſæ eſſe competens, ſed limita- tam eſſe quamcunque jurisdictionem, & ultra ſuam peripheriam ac fixos limites extendi non poſſe; ſeu, quod idem ſonat, eum, qui jurisdictioni præeft, ſupra ſuam jurisdictionem ius dicere non poſſe *L. fin. ff. de Iurisdict. & tot. tit. C. si à non compet. Iud.* niſi par- tes jurisdictionem prorogent. *L. 2. ff. eodem.* Hinc illa Pauli J. C. regula *cit. L. fin. Extraterritorium ius dicenti impunè non paretur.* Quæ ſententia etiā inſpecto duntaxat cortice verborum ſolum di- cere videatur, Judicem, ſi extra ſuum territorium corporaliter exiſtat, ſuis ſubditis ius ibi dicere non poſſe: ſenſus tamē ejusdem plenior